



ილიას სახელმწიფო უნივერსიტეტი
სამართლის სკოლა

სამაგისტრო პროგრამა

პროგრამის დასახელება	საჯარო სამართალი და პოლიტიკა
მისანიჭებელი აკადემიური ხარისხი/კვალიფიკაცია	საჯარო სამართლის მაგისტრი (Master of Public Law)
პროგრამის ხანგრძლივობა/მოცულობა (სემესტრი, კრედიტების რაოდენობა)	120 ECTS კრედიტი 4 სემესტრი
სწავლების ენა	ქართული, ინგლისური ენის კომპონენტით
პროგრამის შემუშავების თარიღი და განახლების საკითხი	პროგრამა შემუშავებულია წ., 2016 განახლებადია ყოველი სასწავლო წლის დასაწყისში სასწავლო პროცესის გაუმჯობესების მიზნით. პროგრამა განახლებულია 2024 წელს
პროგრამის ხელმძღვანელი	ქეთევან ერემაძე - პროფესორი

პროგრამაზე დაშვების წინაპირობები (მოთხოვნები)

პროგრამის სტუდენტი შეიძლება გახდეს სამართლის ბაკალავრის აკადემიური ხარისხის მქონე პირი. სამაგისტრო პროგრამაზე სწავლების უფლებით სარგებლობენ პირები, რომლებსაც ჩაბარებული აქვთ შესაბამისი ტიპის საერთო სამაგისტრო გამოცდა და ჩაბარებენ შიდასაუნივერსიტეტო გამოცდას (წერითი გამოცდა (ესე/კაზუსი) სპეციალიზაციაში -საჯარო სამართალი (60 %); ინგლისურის გამოცდა B2 დონე (40 %). შიდასაუნივერსიტეტო გამოცდის შესაბამისი ინფორმაცია დაიდება უნივერსიტეტის ვებგვერდზე.

პროგრამის მიზანი

ილიას სახელმწიფო უნივერსიტეტი
სამართლის სკოლის

საჯარო სამართლისა და პოლიტიკის სამაგისტრო პროგრამა

პროგრამის მიზანია მოამზადოს საჯარო სამართლის მაღალკვალიფიციური პრაქტიკოსი და ექპსერტი, რომელსაც ექნება სისტემური ცოდნა საჯარო სამართლისა და პოტილიტიკის ურთიერთმიმართების სხვადასხვა ასპექტის შესახებ, შეძლებს საჯარო სამართალსა და მასთან დაკავშირებული პოლიტიკის აქტუალური პრობლემების კომპლექსურ შესწავლას და შეძენილ ცოდნას გამოიყენებს პრაქტიკულ საქმიანობაში როგორც ადამიანის უფლებათა სამართლის, ასევე სახელმწიფოებრივი ინსტიტუტების განვითარების, რეფორმების და საკანონმდებლო ცვლილებების საკითხებთან მიმართებით.

პროგრამის სწავლის შედეგები

- საჯარო სამართლის სფეროში აღწერს ეროვნული და უცხოური სამართლის ძირითად ტენდენციებს, ადგენს საერთაშორისო და ეროვნული სამართლის ურთიერთკავშირსა და ევროკავშირის სამართლის გავლენას შიდა სამართალზე, აანალიზებს სამოსამართლო ეთიკის სტანარტებს, ანალიზებს საჯარო პოლიტიკისა დემოკრატიზაციის ძირითად გამოწვევებს.
- საჯარო სამართლის აქტუალურ საკითხებზე კვლევის უახლესი მიდგომების გამოყენებით ჩატარებულ კვლევას უზირებს პროფესიულ საზოგადოებას.
- აფასებს რთულ სამართლებრივ პრობლემებს და აყალიბებს მათი გადაწყვეტის ახალ, ორიგინალური გზებს;
- წარმართავს იურიდიულ საქმიანობას დარგის უახლესი მიდგომებისა და სასამართლო პრაქტიკის განალიზების გზით.
- ავლენს დემოკრატიული ღირებულებებისადმი პატივისცემას და მონაწილეობს სამართლებრივი ღირებულებების განვითარებაში.

საჯარო სამართლის მაგისტრის დასაქმების სფეროები

- შესაბამისი პროფილის საერთაშორისო ორგანიზაციები, საჯარო სექტორი, მათ შორის პარლამენტი, საკონსტიტუციო თუ უზენაესი სასამართლო;
- სადოქტორო საფეხურზე სწავლის გაგრძელება;
- ადამიანის უფლებების სფეროში მომუშავე არასამთავრობო ორგანიზაციები;
- საჯარო სამართლის საკითხებში პრაქტიკოსი ექსპერტი.

სწავლა-სწავლების მეთოდი:

სასწავლო პროგრამაში გამოიყენება სწავლების შემდეგი მეთოდები:

- ინტერაქციული ლექციები და სემინარები;
- დისკუსია/დებატები
- ჯგუფური მუშაობა
- პრობლემაზე დაფუძნებული სწავლება (PBL)
- თანამშრომლობითი (cooperative) სწავლება
- შემთხვევის ანალიზი (Case study)
- კაზუსის ამოხსნა
- გონებრივი იერიში (Brain storming)
- როლური და სიტუაციური თამაშები (იმიტირებული პროცესი)
- დემონსტრირების მეთოდი
- ანალიზი და სინთეზი;
- პრაქტიკული მუშაობის მეთოდი/პროექტი;
- სუპერვიზია და რეფლექსია.

პერსონალი (მოწვეული ლექტორი/მკვლევარი/აკადემიურიუ პერსონალი) შესაძლოა იყენებდეს ზემოთჩამოთვლილ ერთ ან რამდენიმე მეთოდს ან ნებისმიერ სხვა მეთოდს კონკრეტული სასწავლო ამოცანიდან გამომდინარე.

შენიშვნა: პროგრამის სხვადასხვა კომპონენტში გამოყენებული სწავლების მეთოდები მითითებულია შესაბამის სილაბუსებში.

შეფასების წესი

სამაგისტრო პროგრამაში სტუდენტების შეფასება ხორციელდება ასქულიანი სისტემით.

- (A) ფრიადი – 91-100 ქულა;
- (B) ძალიან კარგი – 81-90 ქულა;
- (C) კარგი – 71-80 ქულა;
- (D) დამაკმაყოფილებელი – 61-70 ქულა;
- (E) საკმარისი – 51-60 ქულა.

(FX) ვერ ჩააბარა – 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;

(F) ჩაიჭრა – 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

საგანმანათლებლო პროგრამის კომპონენტში, FX-ის მიღების შემთხვევაში დამატებითი გამოცდა ინიშნება დასკვნითი გამოცდის შედეგების გამოცხადებიდან არანაკლებ 5 დღეში.

სამაგისტრო ნაშრომში FX შეფასების მიღებისას მაგისტრანტი უფლებამოსილია გადამუშავებული სამაგისტრო ნაშრომი წარმოადგინოს მომდევნო სემესტრის განმავლობაში.

სამაგისტრო ნაშრომში F შეფასების მიღების შემთხვევაში მაგისტრანტი კარგავს იგივე სამაგისტრო ნაშრომის წარდგენის უფლებას.

შეფასების სისტემა, მათ შორის შეფასების ფორმები, კომპონენტები და მეთოდები დეტალურად განსაზღვრულია შესაბამისი საგანმანათლებლო პროგრამის კონკრეტული კომპონენტით.

სწავლისთვის აუცილებელი დამხმარე რესურსები/პირობები:

- სასწავლო პროცესის მართვის სისტემა „არგუსი“;
- პროგრამა „Turnitin“ და „Moodle“;
- უნივერსიტეტის ბიბლიოთეკა (მათ შორის ელექტრო ნული ბაზები);
- უნივერსიტეტის კომპიუტერული ცენტრები;
- სალექციო აუდიტორიები;
- სამართლის სკოლის კლინიკები.
- სამართლის სკოლის კვლევითი ცენტრები;

პროგრამის სტრუქტურა

საგანმანათლებლო პროგრამის კომპონენტი განაწილებულია შემდეგი სახით:

სამართლის ბლოკი - 90 კრედიტი

42 კრედიტი - საჯარო სამართლის სპეციალობის (დარგობრივი) სავალდებულო კურსები, მათ შორის **12 კრედიტი** - პრაქტიკული კომპონენტი, **6 კრედიტი** - აკადემიური წერა იურისტებისთვის

24 კრედიტი - საჯარო სამართლის სპეციალობის (დარგობრივი) არჩევითი კურსები

30 კრედიტი - სამაგისტრო ნაშრომი

12 კრედიტი - პოლიტიკის სავალდებულო კურსები (პოლიტიკის ბლოკი)

12 კრედიტი - თავისუფალი კომპონენტი/საჯარო პოლიტიკის არჩევითი კურსები

პროგრამის დეტალური სტრუქტურული აგებულება იხ. დანართი #1

პროგრამის კომპეტენციათა რუკა იხ. დანართი #2